

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALNO TUŽILAŠTVO-TUŽITELJSTVO  
ZENIČKO-DOBOJSKOG KANTONA  
Z E N I C A  
Broj: T04 0 KT 0059476 24  
Zenica, 20.01.2025. godine

OPĆINSKI SUD U TEŠNJU  
- Sudiji za prethodno saslušanje –  
TEŠANJ

Na osnovu člana 45 stav 2 tačka i) u vezi sa članom 241 stav 1 Zakona o krivičnom postupku F BiH, p o d i ž e m o

**O P T U Ź N I C U**

Protiv:

**M. S.**, osuđivan presudom Općinskog suda u Tešnju broj: ... od 08.05.2018. godine zbog krivičnog djela teška tjelesna ozljeda iz člana 172 stav 1 KZ F BiH, na kaznu zatvora u trajanju od 6 (šest) mjeseci, uvjetno 1 (jedna) godina i presudom Osnovnog suda u Doboju broj: ... od 03.06.2019. godine zbog krivičnog djela šumska krađa iz člana 224 stav 1 u vezi sa članom 37 KZ RS, na novčanu kaznu u iznosu od 500,00 KM,

što je:

1.dana 07.07.2024. godine, oko 20,30 sati, u mjestu M. općina D. J. dok je upravljao putničkim vozilom marke „[REDACTED]“ reg. br. ..., kretao se lijevom ivicom kolovoza ulice ..., iz pravca mjesne džamije prema kući S. Ć., koja se nalazi sa desne strane puta, da bi u nastavku kretanja, po dolasku do navedene kuće, u trenutku dok je ispred njega uz desnu ivicu kolovoza stajao pješak S. Ć. i to leđima okrenut prema kolovozu i držao ispred sebe dječja kolica u kojima se nalazio njegov mlđb. sin S.D. ([REDACTED]), u tom trenutku skrenuo u desnu stranu i umjesto da u nastavku takvog kretanja svoje vozilo drži na tolikoj udaljenosti od desne ivice kolovoza kako ne bi ugrozio pješaka S. Ć., nastavio se kretati uz samu desnu ivicu kolovoza, svjestan da tako ne može proći pored njega a da ga pri tome prednjom desnom bočnom stranom svog vozila ne udari, na što je pristao, pa postupajući odredbama člana 39 stav 2 Zakona o osnovama bezbjednosti saobraćaja na putevima BiH, vozeći tako, prednjom desnom bočnom stranom svog vozila udario navedenog pješaka, ugrozivši na taj način sigurnost javnog prometa, usljed kojeg udara je S. Ć. zadobio tešku tjelesnu ozljedu u vidu preloma baze pete donožne kosti lijevo i otoka lijevog stopala, dok je mlđb. S.D. ispao iz kolica koja su se prilikom pada S. Ć. prevrnula na kolovoz i pri tome zadobio laku tjelesnu ozljedu u vidu nagnječenja glave tjemenom lijevo, te ovakvim grubim kršenjem saobraćajnih propisa ugrozio javni promet,

2. dana 07.07.2024. godine, oko 20,30 sati, u mjestu M., općina D. J., nakon što je prouzrokovao saobraćajnu nezgodu opisanu pod tačkom 1. udaljio se sa navedenim vozilom sa lica mjesta saobraćajne nezgode i tako ostavio bez pomoći pješaka S. Ć. i mlđb. S.D. čije je ozljede prouzrokovao.

čime je učinio krivično djelo teška krivična djela protiv sigurnosti javnog prometa iz člana 336 stav 1 u vezi člana 332 stav 1 u sticaju sa krivičnim djelom Neukazivanje pomoći osobi ozlijeđenoj u prometnoj nezgodi iz člana 337 stav 2 KZ F BiH.